



## 大理府志卷十

職官

土官

附公署

國家設官授職所以分理斯民而上其績於天子者也官有定員則權不侵任有專責則事不廢雖其間有截然不可紊之階而尊卑相衛大小相維要皆求盡其職而已矣元克大理尚以段氏爲總管迨明改路爲府改土設流屬州四縣三州縣之政成上之太守太守之政成上之監司所謂有分職無分民民安其生而官職乃以無曠也今郡之官制悉如明舊其中雖有裁汰而責成不分事愈有濟至如土官無奪厥職無貪厥財使彼感恩思報而各安其在下之心此地方之利也若夫廨宇湫隘官則病之而民之蔀屋且有不蔽風雨者矣顧瞻廣廈將何以庇及窮簷而使之各得其所乎志職官

分守永昌道布政司參議  
大理永昌順寧蒙化永寧鶴慶麗江

七府駐劄大理府城

康熙五年設○舊設分守金滄道駐劄大理瀾滄兵備道駐劄雲慶分巡金滄道

南縣今皆奉裁

大理府知府一人

清軍同知一人

糧捕通判一人

經歷司

經歷一人

司獄司司獄一人

儒學教授一人

訓導一人

○

舊有督捕一人駐迷渡市推官一人知事一人照磨一人又訓導一人今皆奉裁

陰陽學正術一人

醫學正科一人

僧綱司

明洪武年設都綱司一人在感通寺副都綱一人在崇聖寺

道紀司

明宣德年設都紀提點各一人在栖霞觀

阿叱力僧綱司

明宣德年設都綱司一人在感通寺副都綱一人在崇聖寺

降伏民賴安居因無之曰阿闍黎俗訛為阿叱力其業頭陀而有室明初召入京師死論祭

朵兮薄道紀司

年明宣德

緝副都紀各一人在城北四十里古靈觀觀梁益之間呼大曰朵觀曰今老日幡名大觀幡俗訛作朵今薄大觀之法能役使鬼神搜捕變怪與楚

調所稱大觀同明初曾召入京師○舊有稅課司太使一人洱西驛驛丞一人河泊所河泊一人崇盈倉大使副使各一人今皆裁革

太和縣知縣一人

縣丞一人

典史一人

儒學教諭一人

訓導一人

○舊設訓導二人今裁一

朵兮薄道會司道會一人

在蒼山廟

趙州知州一人

州同一人

吏目一人

儒學學正一人

訓

導一人今裁陰陽學訓術一人醫學訓科一人僧正司僧正

一人在通知寺迷渡市巡檢司巡檢一人州南八十里○舊有德勝驛驛丞一人定

西嶺巡檢司巡檢一人乾海子巡檢司巡檢一人以上流官今皆裁革

雲南縣知縣一人典史一人儒學訓術一人僧會司僧會

一人在智光寺道會司道會一人在佑聖宮○舊有安南坡你甸楚場三處巡檢司各流巡檢一人今皆裁革

鄧州知州一人吏目一人儒學學正一人訓術一人

陰陽學訓術一人醫學訓科一人僧正司僧正一人在萬福寺

○舊有青索鼻巡檢司巡檢一人鄧州驛驛丞一人以上流官今皆裁革

浪穹縣知縣一人典史一人儒學教諭一人訓導一人

僧會司僧會一人在護明寺鳳羽鄉巡檢司巡檢一人縣西四十里○舊有縣丞一人

明萬年間裁

賓川州知州一人吏目一人儒學學正一人訓導一人

賓居巡檢司巡檢一人州南二十里赤石崖巡檢司巡檢一人州東八十里

里○舊有蔓神寨神廟洞白羊市金沙江  
四處巡檢司各流巡檢一人今皆裁革

雲龍州知州一人 州判一人 儒學學政一人 諾鄧井鹽課

司 大井鹽課司 師井鹽課司 順盪井鹽課司以上各大

使一人 俱在本井接舊有上五井十二關箭桿場師井  
順盪井五處巡檢司各流巡檢一人今皆裁革

土官

十二關長官司副長官一人 在府東三百里元末李羅賽為防迭  
千戶明初以招附品甸大王及頭目

自步等功授副長官後李弼于馬上攻安鳳之黨擒沙凹者烏鞏  
李國揭赤石崖俄刺諸寨招收阿曲朋彝民至蒙化大侯矣堵奉

本朝 赤罕虔鳳克等亂皆奉調遣不過三百衆沿至李恬森于  
平滇投誠仍授世職

太和縣 舊有洱西驛土驛丞張鑑元時為提舉率衆來歸獲元  
左丞伯都等又築外城有功授世職舊通志開載今除

趙州定西嶺土巡檢 住彌只在州東一百二十里元末李清宇為彌  
只防守千戶明洪武十七年授土巡檢沿至李

齊月無子  
弟齊斗襲

本朝 平滇齊斗投誠仍授世職康熙二年齊斗老子國政督不能視事子  
天成承襲○舊有德勝驛土驛丞王義明初以招集高娜李珠等五

百衆授世職舊  
通志開載今除

雲南縣土縣丞

元丞楊姓即楊于貞之後自于貞纂蒙氏十六傳始為

者以從征麓川功加銜州判七年又以麓川功陞授知縣嘉靖十三年楊訓以奉拘景東土知府陶炳被計仍降縣丞及鳳氏叛楊戰歿

本朝

平滇如積孫玉蘊蘊子岳投誠  
授岳世職今岳子肇基承襲

土主簿

元末有張興者張樂進求之後世為品甸千戶明下楚雄與首歸順以平石頭寨功授土主簿與子觀初授將仕郎至張

大經征貴州陣亡論祭葬沿  
至張立以征沅江功授冠帶

本朝

平滇有張維者投誠未幾死仍授其子昶蔭世職。舊有雲南驛土驛丞袁娜明洪武中以招附元同知自差等及本地民三百戶復辦

糧餉有功授世職。又有安南坡土巡檢李納麟明洪武中以招附白崖頭日高天惠等戶口五百功授世職。你甸土巡檢李義明初

以招元右丞李步左丞賽因等功授世職。楚揚土巡檢楊波日元右丞不花顏裔明洪武中造金沙江渡舟及築城運鹽累著勤勞至

僧壽從征麓川有功授世職以  
上四土官舊志俱開載今皆除

鄧川州土知州

明洪武十五年蠻賊高生興元右丞普顏篤作亂阿

國禎兵征之後從攻赤石崖賊論功叙賚萬曆中以護餉征罕建隴川城又搜捕尋甸諸賊其後矣堵蠻莫五井諸役俱効命行間

本朝

平滇阿尙襲投誠仍授世職順治十八年尙襲老子麟緒有足疾以緒長子震襲康熙三年震死子阿炯承襲

青索鼻土巡檢

大理以招判功世襲土巡檢沿至楊應麟於

本朝平潘投誠仍授世職應麟故子鎮述于康熙十年承襲

浪穹縣土典史

明洪武十五年王藥師恭以芻粟餉大軍授鄧川州吏目後以征普顏篤功改浪穹典史後又從討鐵索

普赤石崖及米魯武尋等賊天啓中霑益州亂亦調其衆沿至王夢租租死子鳳洲襲

本朝平滇洲投誠仍授世職康熙二十四年王晉奉文承襲

蒲陀崆土巡檢

縣東南十五里明洪武十五年楊順招撫蒙化白崖授土巡檢後從阿氏屢建功沿至爭先於

本朝平滇投誠仍授世職爭先故子續鵬襲死子遺龍于康熙三十一年奉文承襲

鳳羽鄉土巡檢

縣西四十里元末尹勝為木邦府判明克大理歸命從破佛光寨有功授土巡檢安鳳之亂從阿氏攻李

本朝平滇投誠仍授世職鎬飛李牙保等沿至尹德明于

上江嘴土巡檢

縣西一百二十里明洪武十五年楊信以芻粟餉大軍從破佛光寨授土巡檢後從阿氏討叛屢有功沿

本朝平滇投誠仍授世職至康熙國死第福國承襲

下江嘴土巡檢

縣西一百五十里明洪武中何海率衆歸順從征佛光寨授土巡檢沿至應福于

本朝平滇投誠仍授世職應福死何一肅承襲

賓川州

舊有賓居士巡檢董保元時為順寧府經歷以象馬來降授大理經歷至董祿降授士巡檢。又有金沙江士巡檢得力

王石明初從攻烏撒金齒累功授曲靖阿欒橋巡檢給由調金沙江舊通志俱開載今皆除

雲龍州箭桿場士巡檢

明洪明十五年有武定土府之次子字忠者率衆歸順授士巡檢後從阿氏討平安鳳之

本朝亂至顯道不願襲職由明經出身以子題鳳承襲平滇鳳投誠仍授世職康熙二年奉文改屬雲龍州今字世吳現襲

世襲士巡檢萬曆間改屬雲龍○師井士巡檢楊勝明洪武中以糧濟師授世職後從征安鳳之亂効力天啓初改屬雲龍○十二關士巡檢李智明洪武中歸順授世職萬曆中改屬雲龍○順益井士巡

年改屬雲龍以上四巡檢舊通志俱載今皆除○又雲龍土知州自設保明沿至段嘉龍為進忠所殺奪其位後擒進忠誅死

段保明沿至段嘉龍為進忠所殺奪其位後擒進忠誅死設流官知州給龍子綵冠帶鈴束其衆舊通志載今除

### 治署

大理府治署明洪武十七年建舊南向知府杜瑜楊仲節李絳賈

銓劉烈干璠李遜晟雲漢吳晟汪標楊仲瓊蔡紹科鄭恭畢鸞

相繼增葺至隆慶三年知府史詡改東向

本朝康熙八年知府朱雅淳重修中為正堂左為軍資庫前甬道

為戒石亭左右廊為六房亭前為儀門門左為土地祠為寅賓  
館右為獄前為大門門上為柳樓樓前左右有申明旌善二亭  
大堂後為寅恭堂又後為內衙○同知署在府右中為廳前為  
儀門為大門後為衙○通判署在府左中為廳左右為吏舍前

為儀門為大門後為衙○

推官衙門亦在府右因推官裁知府王興禹將同知公署圍入府衙遂以此署

改為同知衙門

○經歷司府大門內土地祠後○司獄司府大門內右

首○

督捕通判奉裁  
廳廨尙存迷渡

公署

提督府在南門內即分守金滄道舊署康熙三十年提督諾穆圖

增修

分守永昌道衙門即舊分巡金滄道署康熙三十年本道畢忠吉

增修

督學道考場舊在打線街久廢今遇考試輒借縣治殊為失體急

宜建設以垂定制

公館

大理公館舊有數處後爲兵燹所廢或因裁官久廢今仍志之俾考者知其故處庶府興復云

察院行臺在南門內久廢○恤刑行臺在城隍廟右久廢○舊縣公館在城內西北隅縣治借爲學道考場本縣輒暫移此爲治署考罷復還縣治此署遂充行臺○舊大理衛今爲城守營遊府

太和縣治署南向中爲正堂左爲庫前甬道建六諭戒石坊左右廓爲六房前爲儀門門右爲土地祠又前爲大門門左爲寅賓館○縣丞廨在縣大門外之右○典史廨在縣大門外之左

趙州治署舊在里仁鄉洪武十七年遷建於三耳山麓東向中爲正堂左爲積貯庫右爲架閣庫前爲戒石亭左右廊爲六房前爲儀門側爲土地祠北上爲寅賓館西旁爲吏廨南爲獄爲倉又前爲大門門上爲譙樓樓前爲申明旌善二亭堂後爲內衙

○州同廨在州右○吏目廨在儀門外之北

公館

察院行臺在州治北今頽朽○布政分司州治東○按察分司州

治東○兵備行臺州治東○德勝驛察院驛前○布政分司驛

西○定西嶺察院驛西

以上皆久廢

迷渡市督捕廳

明嘉靖年添設控制諸彝督捕盜賊

官裁署存牆垣近爲水衝

雲南縣治署舊在東南郭洪武二十五年遷城內嘉靖二十三年

知縣宋希文增建後漸傾圮今改布政分司爲縣治南向中爲

正堂左右爲庫兩廊爲六房右爲獄前爲儀門門東爲土地祠

又前爲大門堂後爲川堂爲內衙典史廨在縣右

公館

察院行臺○按察分司金滄道分司

以上皆傾圮

○兵備道衙門

今改爲駐

防署

○洱海衛傾圮

鄧川州治署舊在象山麓明崇禎十五年知州敖法貞遷建於鄧川驛中爲正堂堂左右爲庫爲茶廳前爲戒石亭兩廊爲六房舍前爲儀門門左右爲土地祠寅賓館右爲獄外爲大門門外爲申明旌善亭堂後爲川堂爲內衙再右爲預備倉○吏目廨在州堂右

公館

察院行臺

在州治北

浪穹縣治署明洪武十七年知縣金文舉建萬曆癸巳知縣王承欽改建東向

本朝通判趙之蘭增修中爲正堂右爲庫左爲倉前爲戒石坊兩廊爲六房右廊房後爲獄前爲儀門門左爲寅賓館土地祠右爲羈候鋪又前爲大門門左右爲申明旌善亭○典史廨在縣治頭門左

公館

分司行臺

在縣東今  
為駐防署

三營公館

在三營

應山鋪公館

在應山鋪

鳳羽公館

在舍上塋以上  
三館今皆圯廢

巡檢司公館

在蒲陀

賓川州治署明弘治七年建中為正堂堂左右為庫前為戒石亭

兩廊為六房前為儀門門左為土地祠為寅賓館右為獄又前

為大門堂後為川堂為內衙○吏目廨在州治左○舊大羅衛

奉裁後  
傾圯

公館

察院行臺在州治右

雲龍州治署舊在瀾滄江外明萬曆末年知州周憲章建後天啓

間遷州治於維馬井中為正堂堂左右為庫前為戒石坊兩廊

為六房前為儀門門左為土地祠右為倉為獄又前為大門堂

後為川堂為內衙○州判廨在州治左

大理府志卷十一

學校

書院

義學附

自古移風易俗之道莫要於學校大理有學傳自漢元和二年始至蒙氏晟羅皮立孔子廟於國中段氏正淳求經籍於有宋駸駸乎向慕中國之學矣獨惜其時無有教之者也元參政郝天挺分政大理建學立廟至明踵事增加規制弘備董之以師儒升之以科目舉向者鳥言草服之鄉忽變而爲詩禮衣冠之俗豈非庠序之教有明效也歟今

天子崇師重道詔天下有司葺理學宮獨大理得

朝廷之重臣起敝興頽修明禮樂而文物之盛甲於滇西矣雖然

尤恃教化之有人也書院育之學田餼之士子幸當斯時而不奮步以追先民何以遊聖人之門而無愧也乎志學校

大理府

先師廟在府治南元至元乙酉雲南行省參政郝天挺建大殿兩廡三門耳牆有教授趙傅弼記明正統間知府賈銓重修景泰癸酉知府干璠增修大殿作泮池橋門祭器庖湍咸具成化十五年知府蔣雲漢製雅樂協和音律日久散失正德乙亥地震殿廡傾圯知府汪標改建階扃門垣見昔加麗又鑄銅像肖魯司寇配哲從祀皆塑像嘉靖間撤像易主又奉詔建

啓聖祠祠在廟右嘉靖庚申同知高鏞買地拓泮池徙坊表又於大成門左右建名宦鄉賢二祠有李元陽高崧記壬戌同知江應昂命經歷王朝輅作祭器雅樂二庫萬曆丙申知府陳大期馮文盛於廟東建魁星閣明末沙賊屠城樂器盡燬祭器僅存什一嗣以流氛擾亂十餘年間殿廡門垣雖屢加修葺然大都塗飾而已至

本朝康熙七年知府萬邦和懼正殿將摧下令修葺甫鳩工會知

府左遷去通學諸生勉繼前功二十三年知府王興禹亦加補葺然多未備二十九年雲南提督軍門諾穆圖謁廟視學皆就圯謀於永昌道參議畢忠吉知府李作楫署府事同知傅天祥同知王文相通判黃元治太和縣知縣張秦交教職趙之璜陳文等撤其腐朽而更新之適雲貴總督部院范承勳按部至榆視學捐修巡撫都察院王繼文復聞而資助功乃成先正殿次兩廡又次大成門門兩翼增迴廊遂并修

啓聖祠次修名宦鄉賢祠改建金聲玉振二坊又委官修魁星閣而

文昌祠則署府同知傅天祥捐修至是丹之堊之髹之繪之煥然一新已乃造殿廡位主皆花邊硃漆金字及諸祭器樂器工歌羽籥無不備具有參議畢忠吉碑記

文廟右爲儒學舊在廟東郝天挺建廟後遷今址明因之作明倫

堂堂後教授廨

廢今

景泰癸酉知府干璠作崇德廣業二齋于堂

之東西齋後訓導廨

廢今

正德間地震並圯知府梁珠重修又作

尊經閣於廟後有李華記

廢今

本朝康熙三十年提督諾穆圖於修文廟後委把總劉仲督修明

倫堂次修二齋各五間儀門大門各三間工俱告竣 敬一亭

廟後今廢

射圃

學右今廢

明臥碑

大清臥碑

俱在堂壁

明進士舉人題名二碑

俱在堂壁

府馬麟記

香火田

二十畝

在龍法摩用小陽和小邑莊北五里橋大灣莊

書院課士田

四畝共三十二

畝在陽和下

同知曾美置課士田

十六畝在東門外

貧士田

十二畝在六陶白子坡大

株宅南門外

學田

川一百五十六畝田糧屬鄧

提督諾新置備修廟學田

莊

在蒙化府七莊陰陽堡二處隨蒙化南莊里戶內劉順下秋糧十

六十戶共納蒙化二學輸僉生員收租納糧有太和縣詳請碑記

頒定位次及相沿附祭祠